

平  
津  
讀  
碑  
記

平津讀碑記卷五

唐

河東州刺史王仁求碑

聖歷元年正月

右河東州刺史王仁求碑在安寧州王述庵少寇爲雲南方伯時始訪得之碑稱仁求安寧郡人舊唐書地理志安寧縣屬昆州不言置郡者史闕文也碑爲成都閭丘均文卽杜詩所稱世傳閭丘筆峻極逾崑崙者也舊唐書陳子昂傳云子昂卒後益州成都人閭丘均亦以文章著稱景龍中爲安樂公主所薦起家拜太常博士公主被誅均坐貶爲循州司倉此碑

立於聖歷元年其時尚未授官故無結銜

中嶽體玄先生潘尊師碣

聖歷二年二月

右中嶽體玄先生潘尊師碣在登封縣尊師名師正  
兩唐書有傳碣云調露元年月惟孟冬天子乃卯運  
堯心夙整軒御會師於嵩陽觀舊唐書高宗本紀幸  
嵩陽觀又幸逍遙谷道士潘師正所居在調露二年  
二月碣又云永淳元年正月乙未崇朝風霽乙夜雲  
滅忽而有聞若萬籟聚徐而聽之則五音飭尋而高  
宗朕世後年季夏師曰吾其蛻矣則師正之卒當在  
嗣聖元年高宗崩後故天后詔曰去年冬晚軒皇之  
駕不追今歲秋初廣成之居又寂舊唐書本傳師正

以永淳元年卒高宗及天后追思不已者誤也

昇仙太子碑并陰

聖歷二年六月

右昇仙太子碑在偃師縣緱山仙君廟昇仙太子者  
王子晉也武后祀中嶽因爲立廟碑卽武后御製御  
書碑陰有武后遊仙篇并諸臣題名有採石官朝議  
郎行洛州來庭縣尉惡口峻洛州永昌縣惡朱羅門  
刻御字新唐書地理志垂拱四年析河南洛陽置永  
昌縣長安二年省天授三年析洛陽永昌置來庭縣  
長安二年省此碑立於聖歷二年時二縣尙未廢

明堂令于大猷碑

聖歷三年十一月

右明堂令于大猷碑在三原縣北三家店大猷志寧

之孫立政之子碑稱聖歷元年除使持節隨州諸軍事隨州刺史聖歷二年制除口州明堂縣令舊唐書地理志隋州爲上州職官志上州刺史從三品京縣令正五品上大猷以刺史除縣令本降官碑不言者或有所諱也

武后夏日游石淙詩序

久視元年五月

右武后夏日游石淙詩序在登封縣石淙山北厓舊唐書本紀聖歷三年正月造三陽宮於嵩山四月戊申幸三陽宮五月癸丑改元爲久視癸丑爲五月五日此游石淙在五月十九日故碑末題久視元年序云石淙者卽平樂澗水經注平洛溪水發玉女臺下

平洛澗世謂之平洛水呂忱所謂勺水出陽城山蓋斯水也樂洛古字通用

秋日宴石淙序

久視元年

右秋日宴石淙序在登封縣石淙山南崖金石錄有周石淙詩題諸公撰薛曜正書卽前碑又有周宴石淙序題張易之撰薛曜正書卽此碑今碑前尙有奉宸令三字可辨與前詩張易之結銜正同舊唐書本紀聖歷三年七月至自三陽宮此尙在扈從未還之時

大雲寺聖祚碑

大足元年五月

右大雲寺聖祚碑在河內縣文云前刺史臨口郡王

諱嗣宗河內郡口諱懿宗西河吏人歌馮君之繼踵  
穎川士女喜口公之重口新唐書宰相世系表武士  
逸生志元志元生懿宗河間王嗣宗蒲州刺史管公  
據此碑懿宗嗣宗又嘗爲懷州刺史碑題太子中舍  
人上柱國武威賈膺福授膺福與父敦實新唐書俱  
附見賈敦頤傳稱敦實爲懷州刺史故碑云先君敦  
實早膺朝寄出牧茲邦昔因定省屢入官舍近從休  
告言踐舊遊又云吾昆伯口材標幹豔恭承口渙口  
口作宰下車伊始風化大行元和姓纂敦實生承恩  
伯業伯起伯饒伯招伯卿膺福通理碑伯下字泐未  
知是膺福第幾兄

順陵殘碑 長安二年正月

右順陵殘碑在咸陽縣是武后追尊其母楊氏之碑  
睿宗爲相王奉勅書明萬歷乙卯地震碑仆縣令又  
取其石以脩河近河岸崩始得三石此僅有其一凡  
一百三十六字○匪皆武后制字

漢忠烈紀信墓碑并陰 長安二年七月

右漢忠烈紀信墓碑在滎陽縣魏書地形志滎陽郡  
滎陽縣有紀信冢舊唐書高宗本紀麟德二年十一  
月丙子次於原武以少牢祭漢將紀信墓贈驃騎大  
將軍長安二年七月滎陽縣令會稽孔祖舜立此碑  
范陽盧藏用篆文并書舊書盧藏用傳隱居終南山



長安中徵拜左拾遺此不稱結銜尙未徵拜也碑陰記刻碑始末并丞尉以下題名

王璿造像記

長安三年八月

右王璿造像記在長安縣華塔寺結銜稱金紫光祿大夫行殿中監兼檢校奉宸令瑯耶縣開國子王璿錢辛楣少詹以爲與新唐書宰相表長壽元年自營繕大匠遷夏官尙書同鳳閣鸞臺平章事王璿爲一人長安志夏官尙書王璿宅在永樂坊東門之南

高延貴造像記

長安三年七月

右高延貴造像記在長安縣華塔寺文云金蓮菡萏如生功德之池寶樹扶疎卽蔭經行之壑說文夫容

華未發爲蒨蒨已發爲夫容此以蒨蒨對扶疎亦文之通古義者

韋均造像記

長安三年九月

右韋均造像記在長安縣華塔寺結銜稱行雍州富平縣丞韋均新唐書地理志京兆府本雍州開元元年爲府此尙在未改府以前六塵不定金石萃編釋定作染誤

蕭元脊造像記

長安三年九月

右蕭元脊造像記在長安縣華塔寺結銜稱前揚州大都督府揚子縣令蘭陵蕭元脊舊唐書地理志揚州大都督府揚子縣永淳元年分江都縣置時無蘭

陵縣所署蓋其舊望

李承嗣造像記

長安三年九月

右李承嗣造像記在長安縣華塔寺文云爰雕爰斲  
斲卽斲字

姚元之造像記

長安三年九月

右姚元之造像記在長安縣華塔寺舊唐書姚崇傳  
本名元崇突厥叱利元崇構逆則天不欲元崇與之  
同名乃改名爲元之俄遷鳳閣侍郎不云兼相王府  
長史此記結銜稱銀青光祿大夫行鳳閣侍郎兼檢  
校相王府長史與新唐書同

僧德感造像記

長安三年九月

右僧德感造像記在長安縣華塔寺僧結銜稱檢校造七寶臺清禪寺主昌平縣開國公長安志清禪寺在興寧坊南門之東七寶臺在大雲寺中寺在懷遠坊東南隅

梁義深等造像題名

右梁義深等造像題名在長安縣華塔寺李善才林招隱結銜稱借紫金魚袋趙元志稱借緋唐會要舊制凡授都督刺史皆未及五品者並聽著緋佩魚離任則停之若在軍賞緋紫魚袋者在軍則服之不在軍不在服限又開元四年詔軍將在陣賞借緋紫本是從戎之服一得之後遂別造長袍遞相倣倣然則

品卑而服限得服緋紫魚袋則謂之賞或謂之賜若改任應停緋紫魚袋而未停者則謂之借歟

衛州共城縣百門陂碑并陰兩側

長安四年九月

右衛州共城縣百門陂碑在輝縣碑云百門陂案水經出自汲郡共山下泉流百道故謂百門會同於淇合流於海今本水經注無此文唯云百門陂方五百步在共縣故城西其水三川南合謂之清川與碑所引不同碑爲共城縣令曹懷節禱雨有應而作前成均進士辛怡諫文新唐書宰相世系表辛怡諫壽州刺史元和姓纂作職方員外郎壽州刺史皆是其後所歷官碑陰贈詩題名有南嶽齋郎趙不爲唐會要

神龍二年才膺管樂科趙不爲及第又有七司佐坊正村正寄莊諸稱皆他碑所未見

姚元景光宅寺造像銘

長安四年九月

右姚元景光宅寺造像銘在長安縣元景宰相姚崇兄也文云俾我潘輿盡敬將法輪而恒轉姜被承歡曳天衣而下拂舊唐書姚崇傳長安四年元之以母老表請解職侍養言甚哀切則天難違其意拜相王府長史罷知政事俾獲其養新唐書宰相表元崇罷爲相王府長史在長安四年六月辛酉此銘立於四年九月十八日正元崇罷知政事養親時所造

王三娘墳記

神龍二年二月

右王三娘墳記在長安縣文云曹氏故妻王三娘長安人也少脩真媛苦空閑悟觀身地篋五蘊防非調善誠心從遊自遣似嘗棄家爲尼故稱曹氏故妻而不著其夫之名儀鳳二年八月五日捨化息智度至神龍二年二月八日建墳其相距已三十年矣

寶門姜造像記

神龍二年七月

右寶門姜造像記不知所在文云清信女寶門姜爲妾夫鉅野將軍李口苟造石像一區門姜當是其名李則其夫之姓也又云脫若有人毀壞之者口銘自口如今之呪語亦奇

滎陽縣令盧正道清德碑

神龍三年五月

右滎陽縣令盧正道清德碑在滎陽縣正道兩唐書  
無傳曾祖昌衡祖寶素考安壽俱見新唐書宰相世  
系表正道爲安壽第四子神龍元年爲洛州新安縣  
令改滎陽縣令河南道巡察使衛州司馬路敬潛以  
政術尤異奏聞丞馬據主簿解伯宗等爲立此碑前  
中書舍人內供奉劉穆之墓文元和姓纂劉穆之邢  
州沙河人駕部郎中

賜盧正道勅

景龍元年十月

右賜盧正道勅在滎陽縣卽刻在前碑之陰路敬潛  
以正道政術尤異奏聞因有此勅前碑云韓稜之飛  
章已奏徵入有期焦貢之行雨載馳願留難遂馬據



等因爲立碑此勅云今贈卿祿秩以褒善政勉勗終始無替嘉聲是僅下詔褒美未嘗遷官

勿部將軍功德記

景龍元年十月

右勿部將軍功德記在太原府天龍寺題郭謙光文及書寶刻類編郭謙光所書六碑不載此記稱國子監丞太學助教此記無結銜當是其後所歷官文云勿部珣本枝東海世食舊德相虞不臘之奇族行太上懷邦由余載格珣之自東海歸唐當在高宗時文苑英華蘇頌命姚崇等北伐制有右金吾衛大將軍勿部珣

老子道德經

景龍二年正月

右老子道德經在易州龍興觀陸德明老子音義據  
王輔嗣注本稱老子道經音義德經音義此本亦分  
道經德經爲二卷兩面刻之今世所行王輔嗣注本  
每經俱有分章此本雖不記章數然每章皆空一格  
以別之其中亦有與今王本不同者如今王本道冲  
而用之至象帝之先爲三章天地不仁至不如守中  
爲四章谷神不死至用之不勤爲六章此本皆并爲  
一故有之以爲利無之以爲用今王本屬十二章此  
本無故字二句屬下章之首重爲輕根靜爲躁君今  
王本爲二十七章此本屬上章之末陸德明老子音  
義已爲後人改變其分章惜不得與此本一證之

比丘尼法琬法師碑 景龍三年五月

右比丘尼法琬法師碑在西安府學宮碑云法師卽  
隨故吳國公尉綱之外孫元和姓纂北方尉遲部如  
中華諸侯也魏孝文改爲尉氏尉托奇枝六代孫侯  
甞生綱後周大司空吳國公周書作尉遲綱是改從  
其本姓

鄧村造塔記 景龍三年五月

右鄧村造塔記在益都縣福勝院文云景龍三年歲  
次己酉五月丁巳朔二十三日己卯舊唐書中宗本  
紀是年秋七月乙卯朔六月五月俱小故五月丁巳  
朔也文與史合

司空許國公蘇瓌碑

景雲元年十一月

右司空許國公蘇瓌碑在武功縣碑叙先世漢平陵侯口建子侍中嘉漢書蘇建傳建以校尉從大將軍青擊匈奴封平陵侯有三子嘉爲奉車都尉新唐書宰相世系表亦同金石萃編釋作漢平陵侯子建安侍中嘉云嘉後漢書無傳是以嘉爲建安時人者誤也文苑英華有此文與碑多異同碑公有子七人又長子頤官修文館學士太常少卿口掌綸誥刊本皆無之錢氏亦未舉

長安縣丞蕭思亮墓誌銘

景雲二年二月

右長安縣丞蕭思亮墓誌銘在長安縣碑稱君諱思

亮字孔明蘭陵人也新唐書地理志沂州蘭陵縣貞觀元年廢常州唐不置蘭陵縣此稱蘭陵人者尙是其舊貫也又稱思亮解褐補益州金堂縣尉舊唐書地理志金堂縣咸亨二年置屬益州垂拱二年屬漢州思亮補益州金堂縣尉在垂拱以前

王璲造石浮屠銘

景雲二年四月

右王璲造石浮屠銘在房山縣文云唐中興七年歲次辛亥此以中宗復位爲中興元年故以景雲二年辛亥爲唐中興之七年

孝子郭思訓墓誌銘

景雲二年十二月

右孝子郭思訓墓誌銘在洛陽縣史家灣思訓應吏

職清白舉及第轉滄州樂陵縣丞應孝悌廉讓舉及第授大理司直又嘗除溫王府兵曹叅軍舊唐書高宗四男殤皇帝重茂神龍初進封溫王閻朝隱傳中孝悌廉讓科

田義起石浮圖頌

太極元年四月

右田義起石浮圖頌在房山縣碑用孝乎惟孝與楊珣碑同亦論語古讀之一證

亳州錄事叅軍馮本紀孝碑

先天元年十一月

右亳州錄事叅軍馮本紀孝碑在高陵縣碑閻朝隱撰嫡子敦直書敦直結銜稱銀青光祿大夫留直昭文館上柱國長樂縣開國男元和姓纂有馮敦直稱

爲銀青光祿大夫直昭文館紹烈之子其祖父之名  
俱不與碑同碑筋宗備存宗卽肉字

涼國公契苾明碑

先天元年十二月

右涼國公契苾明碑在咸陽縣明字若水契苾何力  
子新唐書有傳碑稱明麟德年中授左武衛大將軍  
賀蘭州都督又武后時授朔方道總管兼涼甘肅瓜  
沙五州經略使傳皆不載舊唐書契苾何力傳諡曰  
烈碑作諡曰毅與新唐書同碑云夫人唐膠西公孝  
義之長女也孝義淮安靖王神通第八子

僧九定等造像記

先天二年九月

右僧九定等造像記舊在兗州府興隆寺今在上元

縣孫忠愍祠中刻佛像五軀四周題字皇帝皇右字皆不空格有大匠趙守忠又有浮畱匠蘇則而記中不言建立浮畱非九定等所造

薛義令等造像記

先天二年十二月

右薛義令等造像記在偃師縣文云洛州緱氏縣景山鄉舊唐書孝敬皇帝傳葬於緱氏縣景山之恭陵卽此鄉

周公祠碑

開元二年十二月

右周公祠碑在偃師縣學宮舊唐書高宗本紀開元二年正月關中自去秋至於是月不雨人多饑乏遣使賑給名山大川並令祈祭碑云以癸丑秋末迄於



甲寅夏首西郊不雨南畝亢陽是時東都亦旱碑又云九重以握珪沈璧屢口口華卽本紀所謂名山大川並令祈祭也碑有佐官司錄柳齊物朝請大夫行令博陽縣開國男彭城劉體微元和姓纂柳齊物陸州刺史劉體微諫議大夫衛尉卿

馮十一娘墓誌

開元三年四月

右馮十一娘墓誌在寶雞縣縣丞署十一娘字心河間人年十九適馮貞祐春秋廿終誌爲其父孟友直所作故誌前題將作監主簿孟友直女墓誌碑額題唐故馮氏婦墓誌之銘亦例之創者

衢州都督姚懿碑

開元三年十月

右衛州都督姚懿碑在陝州懿姚崇父也碑云父祥  
隋懷州長史檢校函谷關都尉之季子新唐書宰相  
世系表祥子止懿一人碑云公初娶張氏李氏並早  
歿歿後娶劉氏累封彭城郡夫人今紫微令崇故宗  
正少卿景之母也世系表懿子三人元景元之元素  
元素非劉所生故碑不書碑稱二子少孤新唐書姚  
崇傳崇開元九年卒年七十二懿卒於龍朔二年其  
時崇年十三崇母劉以神龍三年正月八日終是時  
崇罷相出爲亳州刺史歷宋常越許四州兩唐書俱  
不言丁母憂亦闕文碑題朝請大夫秘書丞兼昭口  
口學士上柱國胡皓撰元和姓纂秘書少監胡皓洛

陽人

齊州醴泉寺誌公碑

開元三年十月

右齊州醴泉寺誌公碑在鄒平縣碑額題大唐齊州章丘縣常白山醴泉寺誌公之碑元和郡縣志長白山在章丘縣東南三十里太平寰宇記引述征記亦作長白山此碑獨作常白山爲異碑述誌公俗姓朱氏金城人宋太始初漸彰異跡以天監十三年歲次甲午十二月八日口奄然示終故陸倕製銘於冢內王筠勒碑於寺陰今陸倕集中有誌法師墓誌銘所述亦與碑同

淨域寺法藏禪師塔銘

開元四年五月

右淨域寺法藏禪師塔銘在長安縣碑云隨信行禪師撰三階集錄數十餘卷續高僧傳有信行禪師開皇之末被召入京僕射高顯邀延住真寂寺撰對根起行三階集錄四十餘卷

光祿少卿姚彝碑

開元五年四月

右光祿少卿姚彝碑在洛陽縣許家營姚彝崇長子終於開元四年八月廿六日是時崇尚存趙氏金石錄有此碑云撰人姓名缺徐嶠之正書寶刻類編以爲崔沔撰今諦視拓本題前題朝議郎檢校秘書少監博陵崔口撰惟沔字泐正議大夫行將作少監口口書以姚懿碑結銜證之是徐嶠之也

贈歙州刺史葉慧明碑

開元五年七月

右贈歙州刺史葉慧明碑在麗水縣冲眞觀慧明道士葉法善父也舊唐書葉法善傳稱其自曾祖三代爲道士先天二年贈其父爲歙州刺史碑稱國家有事天地將旅海岱嘗致禮加璧岱岳觀題名碑有儀鳳二年三月二日大洞三景法師葉法善於此東岳修齋題名卽其事

葉慧明碑李邕撰韓擇木書石久泐其撰書系銜皆半泐是以有誤

爲李邕書者專谿

宗聖觀尹尊師碑

開元五年十月

右宗聖觀尹尊師碑在盩厔縣樓觀碑稱高宗以晉府舊宅爲太宗造昊天觀以尊師爲觀主長安志昊

天觀在保寧坊盡一坊之地貞觀初爲晉王宅顯慶  
元年爲太宗追福立爲觀所述正與碑同又稱儀鳳  
四年上在東都先請尊師於老君廟脩功德見老君  
乘白馬來降於壇所舊唐書本紀儀鳳四年正月己  
酉幸東都六月辛亥改儀鳳四年爲調露元年老君  
來降事當在六月以前

幽栖寺尼正覺浮圖銘

開元六年七月

右幽栖寺尼正覺浮圖銘在汜水縣碑槩作聚佛作  
仏鼓作鼓危作危兎作兔藤作藤葺作葺皆異文中  
州金石記釋嶺作顧非

移置唐興寺碑

開元六年九月

右移置唐興寺碑在聞喜縣碑稱時縣令朝議大夫  
東海于公名光庭卽銀青光祿大夫瀛州刺史東海  
郡公士俊之孫金紫光祿大夫中書侍郎同中書門  
下三品東海憲公之第五子新唐書宰相世系表不  
載東海憲公支系惟宰相表神龍二年正月戊戌以  
中書侍郎于惟謙同中書門下三品元和姓纂唐延  
州刺史子俊生惟謙兵部侍郎平章事生光宰光弼  
光嗣子俊卽士俊之譌東海憲公卽惟謙矣惟謙五  
子姓纂止載其三故無光庭名

萊州刺史唐貞休德政碑

開元七年七月

右萊州刺史唐貞休德政碑在萊州府治碑下截并

前數行俱殘泐惟額題大唐萊州刺史唐府君德政碑又碑稱制曰洛陽縣令唐貞休字可辨貞休新唐書宰相世系表作鄆州刺史以碑證之當在爲萊州刺史以後曾祖陵平壽公諡曰達世系表陵字子虞儀同三司襲平壽達公碑曾祖上有開國公食邑五百戶諡曰忠武卽其高祖永也世系表陵子防工部員外郎防子君侯貞儀貞休碑防名已泐稱尙書虞部員外郎出爲簡州長史公則簡州長史之第二子表作第三子者誤也

贈太尉祁國公王仁皎碑

開元七年十一月

右贈太尉祁國公王仁皎碑在大荔縣仁皎爲玄宗



廢王后之父新唐書王仁皎傳封祈國公碑作祁國  
公碑已殘泐文苑英華有此文司徒衛漢碑作衍漢  
繼戎烈考碑作前烈懷柔畏滿碑作懷榮開元七年  
四月戊申薨於京師碑作開元七年歲次己未四月  
己未朔廿日戊寅薨於京師皆可正刊本之誤碑稱  
仁皎授甘泉府果毅新唐書地理志甘泉府屬河中  
府

脩孔子廟碑

開元七年十月

右脩孔子廟碑在曲阜縣孔子廟江夏李邕文范陽  
張庭珪書唐文粹有此文字句多譌脫碑兗州牧京  
兆韋君元珪字闕五王國周親舊唐書韋堅傳父元

珪先天中銀青光祿大夫開元初兗州刺史堅姊爲  
贈惠宣太子妃妹又爲皇太子妃故碑云王國周親  
山左金石志釋作元珪字王國非

雲麾將軍李思訓碑

開元八年六月

右雲麾將軍李思訓碑在蒲城縣舊唐書思訓附在  
長平王叔良傳稱高宗時累轉江都令屬則天革命  
宗室多見構陷思訓遂棄官潛匿卽碑所云口詬俟  
時變名求活也傳又稱中宗初復宗社以思訓舊齒  
驟遷宗正卿封隴西郡王實封二百戶碑作加隴西  
郡開國公食邑二千戶傳歷益州長史碑作出爲岐  
州刺史傳左羽林大將軍碑作右羽林又碑其父孝

本州志卷五  
斌華陽縣開國公贈寧州刺史思訓前後爲常州司  
倉叅軍太常寺丞太府員外少卿左屯衛將軍遷侍  
中復換散騎常侍傳皆不載

華嶽精享昭應碑

開元八年

右華嶽精享昭應碑在華陰縣西嶽廟其文卽刻北  
周天和二年華嶽頌之陰碑有長史河東薛縉新唐  
書宰相世系表薛縉廬和二州刺史碑用作用賚作  
疎州作忍皆異文

本願寺造舍利塔碑

開元九年二月

右本願寺造舍利塔碑在獲鹿縣碑記鹿泉信士畢  
瑜造舍利塔并合寺諸釋及麴客良等建釋迦石像

開元八年繕理畢越九年作噩歲春仲望乃與前塔合而爲頌則當開元九年辛酉歲也元和郡縣志獲鹿縣隋開皇十六年置鹿泉縣以鹿泉在縣南因爲名

北岳府君碑并陰兩側

開元九年三月

右北岳府君碑在曲陽縣北岳廟元和郡縣志恒陽縣屬定州恒山爲北嶽恒嶽觀在縣南百餘步新唐書地理志元和十五年更恒陽縣爲曲陽縣故碑陰結銜元和十一年以前稱恒陽縣大和五年以後皆稱曲陽縣地理志景雲二年以瀛州之鄭任丘文安清苑唐興幽州之歸義置莫州碑稱先天二年有瀛

州清苑縣人尚是沿其舊名

鎮軍大將軍吳文碑開元九年十月

右鎮軍大將軍吳文碑在西安府學宮碑爲口大雅

集王羲之書已失其上半故俗稱爲半截碑此碑入

是矣字蓋其上文泐失其句尾矣字形與碑稱文祖

吳近顧亭林不考乃誤爲吳文碑內給事父內常侍子一爲內常侍一爲內僕局丞一

爲掖庭局丞文以秩授文林郎適舉從班蓋已四世

爲內官矣文轉右監門衛大將軍神龍三年又舉鎮

軍大將軍行右監門衛舊唐書職官志左右監門衛

大將軍各一員正三品史傳所載皆以武臣爲之觀

此碑內侍省亦得兼此官也

孝子常熟縣令郭思謨墓誌銘

開元九年十一月

右孝子常熟縣令郭思謨墓誌銘在洛陽縣董氏思謨卽前大理司直思訓同產弟兄俱以孝子著名誌稱太夫人有疾憶菴蘿菓屬啓發之辰兄弟仰天而歎庭樹爲之犯雪霜華而實公取以充養且獻之北闕天后命史臣褒贊特加旌表此孝子之所由名也而思訓墓誌不言誌又稱思謨應廉讓舉擢武功尉思訓墓誌亦稱應孝悌廉讓舉及第勅授大理司直是兄弟又嘗同舉廉讓科

大盧舍那像龕記

開元十年十二月

右大盧舍那像龕記在洛陽縣龍門碑記佛身通光

座高八十五尺二菩薩七十尺迦葉阿難金剛神王  
各高五十尺以咸亨二年勅大使司農寺卿韋機副  
使東面監上柱國樊元則等至上元二年乙亥十二  
月卅日畢功舊唐書韋機傳上元中遷司農卿檢校  
園苑造上陽宮并移中橋從立德坊曲徙於長夏門  
街時人稱其省功便事機之奉勅造像亦當在此時

少林寺柏谷塢莊碑

開元十一年十一月

右少林寺柏谷塢莊碑在登封縣少林寺前刻秦王  
賜少林寺主教次刻武德八年少林寺賜地肆拾畝  
水碾壹具敎并牒碑前題開元神武皇帝御書額武  
德八年牒稱陝東道大行臺尚書省舊唐書高祖本

紀武德四年十月加秦王天策上將領司徒陝東道  
大行臺尚書令至九年六月太宗立爲皇太子而陝  
東道大行臺始廢

御史臺精舍碑并陰

開元十一年

右御史臺精舍碑在西安府學宮碑云左臺精舍者  
諸御史導羣愚之所作也舊唐書職官志御史臺光  
宅元年分臺爲左右肅政臺左臺專知京百司右臺  
按察諸州神龍復爲左右御史臺延和年廢右臺碑  
立於開元十一年其時右臺已廢故專稱左臺者卽  
御史臺也職官志御史臺大夫一員正三品中丞二  
員正四品侍御史四員從六品下殿中侍御史六員



從七品下監察御史十員正八品上碑陰有侍御史  
殿中侍御史監察御史題名而御史大夫御史中丞  
以官尊不與侍御史監察御史題名俱有洪子興元  
和姓纂有洪子興起居舍人生經綸子興卽子興之  
譌歟

閑居寺元珪禪師塔記

開元十一年七月

右閑居寺元珪禪師塔記在登封縣嵩高中有閑居  
寺見洛陽伽藍記寶刻類編有嵩山閑居寺珪禪師  
碑宋儋撰題開元二十二年四月又是一碑

內侍高福墓誌

開元十二年正月

右內侍高福墓誌在畢尚書靈巖山館福字延福新

唐書高力士傳力士馮盎曾孫中人高延福養爲子故冒其姓延福以開元十一年十二月廿五日終於來庭里之私第春秋六十有三則當生於龍朔元年碑云出入四代其解褐拜文林郎守奚官丞當在高宗時

香積寺淨業法師塔銘

開元十二年六月

右香積寺淨業法師塔銘在長安縣香積寺題正字畢彥雄撰元和姓纂畢彥雄太原人狀稱畢諶之後

虢國公楊花臺銘

開元十二年十月

右虢國公楊花臺銘在西安府花塔寺分二石書之前石書序至銘曰而止後石銘前又重題楊將軍新

莊像銘亦變例也舊唐書楊思勗傳開元十二年五  
谿首領覃行璋作亂思勗授詔率兵討之生擒行璋  
斬其黨三萬餘級以軍功累加輔國大將軍後從東  
封又加驃騎大將軍封號國公玄宗本紀東封在開  
元十三年十月此銘作於開元十二年十月已稱號  
國公非從東封所封可知又本紀開元十二年十一  
月五谿首領覃行璋反遣鎮軍大將軍兼內侍楊思  
勗討平之此銘在十月稱輔國大將軍其加封亦當  
在覃行璋未擒之前

涼國長公主碑

開元十二年十一月

右涼國長公主碑在蒲城縣公主睿宗第六女初封

仙源下嫁薛稷子伯陽後封涼國改嫁溫彥博曾孫  
曦碑稱開元十二載八月辛丑薨於京永嘉里長安  
志涼國公主宅在永嘉坊西北隅此坊隋末有方士  
云貴氣特盛自武德貞觀之後公卿王主居之多於  
衆坊

賜益州長史張敬忠勅

開元十二年閏十二月

右賜益州長史張敬忠勅在灌縣青城山新唐書張  
敬忠傳開元七年拜平盧節度使此勅在開元十二  
年閏十二月稱益州長史是其所兼官也勅前褒美  
其政績賜衣一副後云蜀州清城先有常道觀所置  
元在青城山中聞有飛赴寺僧奪以爲寺州旣在卿

節度檢校勿令相侵名勝志稱青城山有異僧出入井中赴供長安頃刻復返廣明中賜名飛赴寺觀此勅開元中已有飛赴寺矣方輿勝覽常道觀隋時建有唐明皇御書碑卽此勅寶刻類編作賜張敬忠手詔題開元十八年者誤也

石佛堂記

開元十二年

右石佛堂記在臨城縣碑殘泐不能句讀唯稱開業寺者口口五年天水公衛尉卿興州刺史觀其湮滅數百餘年至後魏延昌起葺寺觀初名偃角復易名隱角後徹寺主及道俗爲國敬造淨土石仏堂臺徹寺主諱徹俗姓郭口祖諱貴齊岐州刺史贈輔國大

將軍父諱口紀王府帳內親軍授綏戎副尉字尙可辨

右武衛大將軍乙速孤行儼碑

開元十三年二月

右右武衛大將軍乙速孤行儼碑在醴泉縣叱干村行儼神慶子元和姓纂神慶生行儼行均行方行儼唐廣州都督右武侯大將軍行均岐陽折衝生令從萬年令碑云公素無息胤命昆弟之子令從爲子令從行均子

鄜國長公主碑

開元十三年四月

右鄜國長公主碑在蒲城縣新唐書本傳鄜國公主睿宗第八女碑云第七女新唐書睿宗第三女荆山

公主下嫁薛伯陽兩唐書薛稷傳俱云子伯陽尚仙源公主不云又尚荆山且荆山爲郾國初封邑號不應相同疑卽郾國初嫁薛儻而史誤以爲第三女下嫁伯陽也長安志郾國公主宅在安業坊橫街之地碑進封郾國長公主食邑一千四百戶文苑英華刊本作一千二百影宋本作一千四百戶與碑同

### 紀泰山銘

開元十四年九月

右紀泰山銘在泰安縣泰山頂大觀峯王弇州稱其下三尺許爲搨工人惡寒篝火焚蝕遂闕百餘字今拓本下截字俱完好山左金石志謂明葉彬補刻惜不得舊拓本校之

猷谷寺造塔記 開元十四年十月

右猷谷寺造塔記在林縣碑云相州門徒一百人等  
於猷谷寺東形勝之所建塔供養仰答師恩名勝志  
拱翠峯下有僧院曰寶嚴院古名猷谷寺嘉祐八年  
改又云猷谷南有傘蓋山金門寺碑云山臨傘蓋峯  
瞰香爐金門連聖者之居寶刹接神人之宅其得名  
舊矣

銀青光祿大夫陳憲墓誌銘 開元十四年十一月

右銀青光祿大夫陳憲墓誌銘在偃師縣學宮憲年  
卅鄉貢進士對策上第以開元十三年九月廿五日  
薨春秋七十八則年卅當儀鳳二年也拜右臺殿口



侍御史崔湜御史臺精舍碑皆記左臺故殿中侍御史無憲名

端州石室記

開元十五年正月

右端州石室記在肇慶府北七星巖太平寰宇記南越志云高要有石室自生風煙南北二門狀如人巧意者以爲神仙之下都因名爲嵩臺北海李邕有記鐫石存焉卽此碑元和郡縣志石室山在端州高要縣北五里

雲居寺石浮圖銘

開元十五年二月

右雲居寺石浮圖銘在易州太原王大悅換碑稱鄭氏字立泰今范陽人新唐書地理志無范陽縣元和

邵縣志范陽故城秦范陽縣也在易州易縣東南六十二里以在范水之陽故名

道安禪師碑

開元十五年十月

石道安禪師碑在登封縣嵩山會善寺寶刻類編稱此碑宋僧撰并行書李鎬題額今姓名俱殘泐不可辨

嵩岳少林寺碑

開元十六年七月

石嵩岳少林寺碑在登封縣少林寺鍾樓下碑前題銀青光祿大夫守吏部尚書上柱國正平縣開國子裴濯文并書兩唐書本傳稱濯早與張說特相友善時說在相位數稱薦之濯又善於敷奏上亦嘉重焉

由是擢拜吏部尚書卒諡曰懿俱不言正平縣開國  
子唯新唐書宰相世系表稱正平懿公與碑同

開元寺陀羅尼經幢

開元十六年十一月

右開元寺陀羅尼經幢在隴州前書佛說六門陀羅  
尼經幢後書佛頂尊勝陀羅尼經以一切經音義所  
釋六門陀羅尼經校之字句皆同末題大唐開元十  
六年歲次戊辰十一月甲午朔八日乙丑舊唐書立  
宗本紀是年十一月癸巳朔若依碑作甲午朔八日  
亦當爲辛丑今作乙丑知書者誤也

敬節法師塔銘

開元十七年七月

右敬節法師塔銘在咸寧縣杜永村碑稱法師俗姓

盧諱敬節范陽人以開元十七年七月十五日終於  
私房春秋七十有五窆於神和原隆闡法師碑亦云  
遂於鳳城南神和原崇靈塔也神和原亦當時僧衆  
攢葬之所

興聖寺尼法澄塔銘

開元十七年十一月

右興聖寺尼法澄塔銘在咸寧縣城外馬頭寺碑稱  
法師諱法澄字无所得俗姓孫氏樂安人祖榮涪州  
刺史父同同州馮翊縣令法師託事蔣王求爲離俗  
遂於上元二年出家蔣王者太宗第七子蔣王暉也  
又云如意之歲淫刑肆逞誣及法師將扶汝南謀其  
義舉坐入宮掖兩唐書武后本紀如意年俱不載此

事且其時諸王亦無封汝南者未知所指爲何人碑  
爲宗正卿上柱國嗣彭王志疎撰兩唐書志疎俱附  
見彭王元則傳神龍中初封嗣彭王開元中宗正卿

平津讀碑記卷六

臨海洪頤煊

唐

麓山寺碑

開元十八年九月

右麓山寺碑在長沙府嶽麓書院碑爲李邕撰書諸家皆稱爲嶽麓寺碑已缺三塊文不能全讀碑稱隨侍中鎮南晉安王樂陽王並佛性森然金石萃編云隋書諸王傳無晉安樂陽二王惟陳書有世祖第六子伯恭立爲晉安王而樂陽無考頤煊案陳書高祖第十六子叔慎封岳陽王禎明元年出爲湘州刺史當卽其人以樂作岳蓋史之誤

佛頂尊勝陀羅尼經幢

開元十九年十一月

右佛頂尊勝陀羅尼經幢在鞏縣淨土寺有開元十九年左學府長史王元明建立大中八年僧太初再立乾祐年穆暹重立題字前有陀羅尼經序稱此經永淳二年至西京大帝遂將其本入內請日照三藏法師及勅司賓寺典令杜行顗等共譯此經此在玄裝梵本後故沙門玄應撰一切經音義不載此經以別刻經幢證之典令當作典客令

青州雲門山功德銘

開元十九年

右青州雲門山功德銘在益都縣前題承議郎行益都縣令唐道周文云六代祖後魏使持節青州諸軍

事青州刺史諱輪作牧慈仁道被東夏逮從祖諱季卿剖符口口大庇口人暨紱口口貞休口口是邦纂口丕烈貞休爲萊州刺史已見前德政碑新唐書宰相世系表輪字文轉青州刺史北史作倫附見其子永傳以貞休德政碑推之輪爲貞休四世祖則貞休亦道周之從祖也

代國長公主碑

開元二十二年十二月

右代國長公主碑在蒲城縣碑稱公主睿宗第四女新唐書傳作第五女以傳重出荆山公主本不在數中也公主母曰肅明皇后劉氏新唐書睿宗六子肅明皇后生憲昭成皇后生玄宗皇帝碑云聖上愛切



平生是同父非同母也碑又稱則天太后御明堂宴  
聖上年六歲爲楚王舞長命口口口年十二爲皇孫  
作安公子岐王年五歲爲衛王弄蘭陵王兼爲行王  
詞曰衛王入場咒願神聖神皇萬歲孫子成行安公  
子曲名蘭陵王舞名俱見敎坊記宋文鑑有小兒勾  
隊小兒致語當卽其遺制然立宗六歲卽諳歌舞他  
日廣設梨園荒淫無度卒致祿山之亂其禍有自來  
矣

北嶽禪廟碑并陰

開元二十三年閏十一月

右北嶽禪廟碑在曲陽縣北嶽廟禪卽神字碑稱使  
持節刺史段公字崇簡新唐書地理志曲陽縣屬定

州則刺史者定州之刺史也碑陰又稱段公諱情字  
崇簡五代祖榮字子茂四代祖龍字孝先曾王父濟  
字德堪段榮段韶段濟北史北齊書皆有傳其歷官  
與碑所述畧同王父乾字寶元唐刑部郎中遷給事  
中刑部侍郎尚書左右丞洛州刺史烈考嗣皇韓王  
府功曹潤州司士滄州東光縣令元和姓纂段榮後  
魏定秦二州刺史生孝先名韶北齊大宰左丞相平  
原忠武王寶元尚書左丞刑部侍郎大理少卿生嗣  
基東光令嗣基生崇簡右衛將軍鄭州刺史嗣基卽  
嗣皇崇簡卽情唯韶下脫濟一代又寶元作寶積元  
皆今本姓纂傳寫之譌

元氏令龐履溫碑

開元二十四年二月

右元氏令龐履溫碑在元氏縣西寺碑稱君姓龐氏  
名履溫字若水南安人曾祖卿惲左武侯大將軍封  
口國公食實封四百戶贈幽平燕易媯檀等六州諸  
軍事幽州刺史諡曰肅祖同福并州大都督府司馬  
饒州刺史左衛將軍安北都護考口訓通事舍人鄭  
州司馬贊善大夫率更令將作少監舊唐書龐卿惲  
附在劉文靜傳從太宗討隱太子有功累拜右驍衛  
將軍封邾國公尋卒追封濮國公子同善官至右金  
吾大將軍而不言同福元和姓纂卿惲譌作仲惲唐  
左武侯大將軍濮國肅公生同善同福同饒州刺

史生承訓皆與碑合

慈州刺史鄭曾碑

開元二十四年六月

右慈州刺史鄭曾碑在榮澤縣新唐書宰相世系表  
鄭曾三子長裕許州刺史景復殿中侍御史景融碑  
稱長曰長裕國子司業次子口口歷口部郎中中書  
舍人鴻臚口太常口少卿口口口侍郎曾似止有二  
子又次子下泐者諦視似少字名亦與表不同

華嶽李愔題名

開元二十四年六月

右華嶽李愔題名在華陰縣唐會要稱先天二年詔  
往者計戶充兵使二十二入募六十出軍旣憚勦勞  
咸欲逃匿自今已後羽林飛騎先於衛士中簡擇李

瞻結銜稱簡募飛騎使卽其官

大智禪師碑

開元二十四年九月

右大智禪師碑在西安府學宮禪師見舊唐書方伎傳稱開元十一年從駕往東都碑作十三年皇帝東巡河洛特令赴都玄宗本紀開元十一年北都巡狩未嘗至東都十三年二月戊午幸龍門十月東封泰山發自東都禪師從駕當在此時方伎傳十一年是十三年之譌又碑稱太僕卿濮陽杜昱新唐書宰相世系表濮陽杜氏有杜昱給事中

齊州神寶寺碑

開元二十四年十月

右齊州神寶寺碑在長清縣神寶寺碑云刺史盧諱

全義新唐書宰相世系表有盧全義臨汝太守未知  
卽此人否又有山荏縣口令新唐書地理志長清縣  
貞觀十七年屬齊州武德二年析置山荏縣其時神  
寶寺屬山荏不屬長清碑側刻佛說蜜多心經一卷

贈太師忠獻公裴光庭碑并陰

開元二十四年十一月

右贈太師忠獻公裴光庭碑在聞喜縣據集古錄目  
碑爲中書令集賢院學士張九齡奉勅撰玄宗御書  
侍中裴耀卿題御書字今碑前題金紫光祿大夫侍  
中弘文館學士上柱國口山縣開國男臣裴耀卿字  
尙可辨文苑英華有此碑新唐書本傳武后召入宮  
爲御正累遷太常丞舊唐書亦同碑題云弘文館學

生神龍中明經擢第授家令寺丞轉太常丞與史異  
碑云薨於京師平康里之私第長安志侍中裴光庭  
宅在平康坊南門之西

臨高寺碑

開元二十五年四月

右臨高寺碑在閿鄉縣尚書大傳胥作冑石壁寺鐵  
彌勒像頌借葺作葺此碑復借葺作葺其誤甚矣  
運卽霆字中州金石記釋碑作碎亦誤

景賢大師塔記

開元二十五年八月

右景賢大師塔記在登封縣嵩山會善寺碑罔然照  
洗罔卽淵字北魏張猛龍碑猛龍字神罔字亦如此  
作

廣化寺無畏不空法師塔記

開元二十五年八月

右廣化寺無畏不空法師塔記在咸陽縣無畏不空  
本二人此記合作一人又引資治通鑑稱貞觀爲真  
觀是避宋仁宗諱其爲後人僞撰錢辛楣少詹論之  
最詳

周太師蜀國公尉遲迥廟碑

開元二十六年正月

右周太師蜀國公尉遲迥廟碑在彰德府城北門內  
歐陽棐集古錄目云前華州鄭縣尉閻伯璵撰序廣  
川書跋以爲成伯璵今諦視此碑結銜下閻伯二字  
尙可辨璵字亦半存廣川之言非矣元和姓纂廣平  
閻氏本常山人懿道生伯璵刑部侍郎



開元寺貞禪師塔銘

開元二十六年七月

右開元寺貞禪師塔銘在汝州其書和尚作和上與比丘尼惠源誌銘石壁寺鐵彌勒像頌同

玄宗御注道德經

開元二十六年十月

右玄宗御注道德經在易州封氏聞見記開元二十一年明皇親注老子道德經令學者習之當時所刻不止一本集古錄金石錄所載懷州本明歸震川所跋邢州本今皆不可見唯此易州本存矣經後有易州刺史田仁畹別駕周憲長史鄭景宣司馬杜欽賢等建立銜名以田公德政碑攷之開元二十四年除易州刺史此在其到任後二年

易州鐵像頌

開元二十七年五月

右易州鐵像頌在易州碑末云置縣三五廻樓亭板  
城舊唐書地理志開元二十三年分置五廻樓亭板  
城三縣唐會要五廻縣開元二十三年三月十六日  
置地理志以爲卽刺史盧暉所奏樓亭板城二縣天  
寶後廢水經注涑水又逕樓亭北左屬白澗溪水縣  
當以此得名

易州刺史田琬德政碑

開元二十八年十月

右易州刺史田琬德政碑在保定府蓮池書院易州  
御注道德經後諸臣銜名稱田仁琬此碑稱公名琬  
字正勤疑是其後改名陸德明經典釋文序錄稱齊

詩久亡魯詩不過江東韓詩雖在人無傳者隋書經籍志亦云齊詩魏代已亡魯詩亡於西晉韓詩雖存無傳之者此碑云公弱冠遊太學尋師授韓詩曲禮其時韓詩尙有傳人毛詩雲漢篇如煥如焚此碑作如煥如焚其卽韓詩歟

莒國公唐儉碑

右莒國公唐儉碑在醴泉縣昭陵碑載儉歷官俱與兩唐書本傳相同唯檢校黃門侍郎封莒國公兩傳在使突厥前碑則在使突厥還後又爲天策府長史後碑以公爲幽州道安撫使兩傳皆不載碑下截失搨十五字兩傳儉卒年七十八金石萃編拓本作春

秋六十有八惜不得一校證之碑三十八行行八十  
嘗與錢辛相所藏拓本對之敝篋所存尚較多百數  
十字其廿六行末云春秋七十有八金石萃編不足  
據單

石壁寺鐵彌勒像頌

開元二十九年六月

右石壁寺鐵彌勒像頌在交城縣永寧寺碑云石壁  
谷隨隸西壽陽縣唐改壽陽爲文水先朝分置交城  
而立寺焉其云先朝者謂隋也舊唐書地理志交城  
隋分晉陽縣置取縣西北古交城爲名元和郡縣志  
亦云開皇十六年分晉陽縣置交城縣據碑交城縣  
由壽陽縣分置地理志郡縣志晉陽皆壽陽之譌當  
以碑爲正

夢見真容碑 開元二十九年六月

右夢見真容碑在易州前刻開元廿九年閏四月廿一日勅旨後刻博州刺史李成裕真容應見記題武功蘇靈芝書唐大詔令集有玄元皇帝臨降勅稱玄宗以夢見老子真容令所司卽寫真容分使送諸道採訪使令當道州轉送開元觀安置故諸州皆有夢見真容碑此其一也

金仙長公主碑

右金仙長公主碑在蒲城縣橋陵睿宗第八女新唐書本傳太極元年與玉真公主皆爲道士築觀京師長安志以爲景雲元年據碑金仙度爲女道士在丙

午之歲神龍二年錢辛楣少詹謂唐書百官志皇姑  
爲大長公主姊爲長公主女爲公主獨不及皇妹諸  
碑刻代國郎國涼國金仙俱號長公主未必皆爲明  
皇之姊頤煊攷代國碑云睿宗皇帝之第四女今上  
之仲妹又云則天太后御明堂宴聖上年六歲公主  
年四歲睿宗諸女代國第四涼國第五郎國第七金  
仙第八則自代國以下皆明皇之妹其得封長公主  
者明姊妹同也然金仙碑第言春秋四十四其薨年  
已泐以諸碑攷之代國開元廿二年薨年四十八涼  
國開元十二年薨年三十八郎國開元十三年薨年  
三十七則涼國與代國同歲郎國少代國二歲金仙

亦當相去不遠則其薨時春秋四十四亦當在開元廿一年以後數年之間

內侍省功德碑

有內侍省功德碑在洛陽縣龍門山碑爲內侍高力士等一百口口爲大唐開元神武皇帝造像而作舊唐書職官志內侍省內侍從四品上內常侍正五品下內給事從五品下內謁者監正六品下掖庭局令從七品下宮闈局給使無官品碑題名前後皆依官品書之

虢國公造像記

右虢國公造像記在洛陽縣龍門山虢國公爲宦者

楊思勗已見前楊花臺銘此碑號國公下尚有勗字  
下半可辨碑未題開元口口口口四月廿三日又有  
口口郎口口口騎都尉直集賢院張口口口未詳何  
人

佛頂尊勝陀羅尼經幢

右佛頂尊勝陀羅尼經幢不知所在第一面上有上  
爲開元神武皇帝八字不題年月經序稱司賓寺典  
客令杜行顓舊唐書職官志鴻臚寺光宅曰司賓唐  
會要延載元年勅天下僧尼隸祠部不須屬司賓司  
賓寺卽鴻臚寺舊名

雲麾將軍李秀殘碑

天寶元年正月



右雲麾將軍李秀殘碑在順天府文丞相祠碑爲李  
邕撰書見趙氏金石錄舊在良鄉縣學後徙置宛平  
縣署又移置今所僅二斷石存姓名年月俱不可考  
矣

鄂州刺史盧正道碑

天寶元年二月

右鄂州刺史盧正道碑在洛陽縣許家營正道爲洛  
州滎陽縣令識法師等爲立清德碑已見前此則神  
道碑也碑稱正道除洛州新安宰以犯諱更滎陽唐  
律文諸府號官稱犯祖父名而冒滎居之徒一年正  
道父諱安壽故更滎陽正道子碑可辨者有叔子徹  
太原府士曹叅軍季子曉口州司馬新唐書宰相世

系表不載

告華嶽府君文

天寶元年四月

右告華嶽府君文在華陰縣西嶽廟右補闕韓賞撰  
諸王侍書榮王府司馬韓擇木書元和姓纂京兆尹  
朝宗生賞給事中稱昌黎潛後代居雲陽又有廣陵  
禮部員外韓擇木狀云本潁川人然則賞與擇木同  
姓而不同系者也

充公之頌

天寶元年四月

右充公之頌在曲阜縣孔子廟碑云服膺蟻術禮記  
學記篇蛾子時術之陸德明釋文云蛾或作蟻此作  
蟻術尙是六朝舊本又云刻鶴見嗤刻鶴卽刻鵠古

鵠鵠二字多通用

吏部南曹石幢

天寶元年九月

右吏部南曹石幢在鄆縣草堂寺題秘書省正字左  
光胤撰序醴泉縣丞尹匡祚撰頌其稱濮陽摯宗太  
原王彥昇等皆天官曹之令史也後刻佛頂尊勝陀  
羅尼經又有梁貞明二年張虔斌重建題字

靈都觀張尊師碑

天寶二年六月

右靈都觀張尊師碑在濟源縣碑稱尊師諱探玄字  
體微正一真人道陵師君之胄開元初補西京景龍  
觀大德長安志景龍觀本長寧公主第在崇仁坊西  
南隅天寶十三載始改爲玄真觀

慶唐觀金錄齋頌

天寶二年十月

右慶唐觀金錄齋頌在浮山縣龍角山元和郡縣志  
老君祠在神山縣東南二十里武德三年見神於羊  
角山下語曲沃縣人吉善行日報大唐天子得聖治  
一千年其年勅遣通事舍人柳憲立祠因改縣爲神  
山卽此觀也文苑英華有此文以碑攷之刊本固多  
譌舛然粵若聖祖碑作祖聖乃今昇平永配碑作配  
永非夫至道碑作至至至教遂興碑作至孝以奉至  
尊碑重出至尊二字當由俗工重刻故有此譌太守  
裴眺纂碑人崔明允俱見新唐書宰相世系表

實際寺隆闡法師碑

天寶二年十二月

右實際寺隆闡法師碑在西安府學宮碑稱法師諱懷憚俗姓張南陽人以大足元年十月廿二日卒神龍元年贈隆闡法師勅云雖已歸寂滅無待於褒揚然寵洽友于無忘於緝禮似尙有兄弟官於朝惜碑不書

嵩陽觀紀聖德感應頌

天寶三載二月

右嵩陽觀紀聖德感應頌在登封縣嵩陽書院裴迥結銜稱守河南尹河南水陸運使唐會要開元二年閏二月陝郡刺史李傑除河南少尹充水陸運使至三年九月畢構爲河南尹不帶水陸運使天寶三載十一月李齊物爲河南尹又帶水陸運使至元和六

年十月始停

騎都尉薛良佐塔銘

天寶三載閏二月

右騎都尉薛良佐塔銘在長安縣碑爲再從兄鈞撰  
弟良史書碑稱曾祖待聘皇右千牛通事舍人新唐  
書宰相世系表有薛待聘而不言其歷官又有曾孫  
良史杞王傅而無良佐鈞亦見宰相世系表

石臺孝經

天寶四載九月

石臺孝經在西安府學宮經後有國子祭酒李齊  
古上表玄宗批答右相李林甫等銜名林甫以左僕  
射不書姓表云謹打石臺孝經本分爲上下兩卷謹  
於光順門奏獻兩本以聞王海引實錄高宗龍朔三

年十月辛巳詔皇太子五日至光順門監諸司奏  
事光順門在紫宸殿右

琵琶泓詩

天寶五載五月

右琵琶泓詩在鳳臺縣詩序字皆左行末題天寶五  
載夏五月廿一日朝請大夫守高平郡別駕權澈詞  
獨孤及有高平別駕權幼明碑稱澈歿於天寶六載  
秋八月蓋澈作是詩後次年卽歿於其任澈歿春秋  
六十四故詩有咨予白髮年始佐丹水曲之句

淨藏禪師塔銘

天寶五載十月

右淨藏禪師塔銘在登封縣會善寺碑稱遂往韶郡  
詣能和上卽弘忍弟子南宗慧能禪家所謂六祖也

舊唐書方伎傳達摩傳慧可慧可傳璨璨傳道信道  
信傳弘忍碑云可祭信忍宗旨密傳謂此

逸人竇居士神道碑

天寶六載二月

右逸人竇居士神道碑在三原縣居士季子元禮黎  
園教坊使行內侍省內侍新唐書百官志武德後置  
內教坊於禁中開元二年又置內教坊於蓬萊宮側  
京都至左右教坊掌俳優雜伎自是不隸太常以中  
官爲教坊使

青帝觀朝請大夫□□造像記

天寶六載四月

右青帝觀朝請大夫□□造像記在泰安縣泰山上  
碑殘泐所存字無幾前題□朝請大夫行內謁者監



口口後題天寶六季歲次丁亥四月景午朔口口又有敬造太山等字可辨其改載作季未審何義

遊濟瀆記

右遊濟瀆記在濟源縣文云軹縣西北數十里濟水出焉元和郡縣志開皇十六年分軹縣置濟源縣濟水在濟源縣西北三里新唐書地理志貞觀元年省懷州之軹縣入焉天寶時軹縣已廢此記所稱尙是舊軹縣城

宴濟瀆序

天寶六載十二月

右宴濟瀆序在濟源縣卽刻在前記之陽前記題吏部侍郎達奚珣文此序題吏部侍郎達奚珣詞文詞

一也前記不言同遊之人此記有新安主簿高侯濟源宰寇公毛詩不遠伊邇此序邇作爾

北嶽恒山封安天王銘并陰

天寶七載五月

右北嶽恒山封安天王銘在曲陽縣北嶽廟恒山在恒陽縣屬定州天寶元年改定州爲博陵郡故此碑稱博陵郡北嶽恒山新唐書地理志博陵郡屬河北道安祿山傳天寶三年代裴寬爲范陽節度河北採訪使故碑前列安祿山銜名與北嶽聖廟碑列張守珪銜名其例正同唐六典諸軍各置使一人其橫海高陽唐興恒陽北平五軍皆本州刺史爲使博陵郡有北平軍故此碑賈曰循以博陵郡太守帶北平軍

使置廟碑段悒以定州刺史帶北平軍使皆其本職  
新唐書地理志博陵郡領縣十舊唐書作領縣十一  
碑陰列博陵郡屬縣令亦止十縣而無安險縣與元  
和郡縣志同是舊唐書誤也

吏部常選潘智昭墓誌銘

天寶七載七月

右吏部常選潘智昭墓誌銘在長安縣碑稱曉陰陽  
義通挈壺術事瞿曇監侍一行師新唐書藝文志大  
唐開元占經百二十卷瞿曇悉達集又歷志九執歷  
出於西域開元六年詔太史監瞿曇悉達譯之此稱  
瞿曇監者卽其人

東平太守章仇玄素碑

天寶七載十月

右東平太守章仇玄素碑在濟寧州耿務村碑已裂  
爲三又字俱磨滅可辨者僅廿餘字國初葉林宗金  
石文隨錄載此碑尚可讀玄素爲劔南節度使章仇  
兼瓊之父祖孝方博陵郡錄事叅軍曾祖口政萊州  
口口高祖夔魏郡太守俱見於此碑宋鄧名世古今  
姓氏書天寶劔南東川節度使戶部尚書章仇兼瓊  
代居兗州生湛可補此碑之闕

丁思禮造像記

天寶八載七月

右丁思禮造像記在沛縣崇勝寺碑上截心經中截  
造像記稱丁思禮碩德純孝諒直彰仁妻朱氏芳蘭  
佳秀智炬恒暉往因東邁路過灰溝見古碑隳壞彌

極遂發願言敬鑄阿彌陀佛一鋪密多心經一卷金  
石萃編以爲大歷八年立非也下載有治平二年崇  
寧元年題字

少林寺靈運禪師塔銘

天寶九載四月

右少林寺靈運禪師塔銘在登封縣少林寺題宣德  
郎試大理評事崔琪撰新唐書宰相世系表崔琪字  
庭秀不言所歷之官又其時稍後當別是一人

尊勝陀羅尼經幢

天寶九載八月

右尊勝陀羅尼經幢在登封縣永泰寺東西兩幢東  
幢末題大唐天寶九載歲次庚寅八月丁巳朔廿九  
日乙酉建弘農楊慎行書又有施主張超等題字西

幢後半已磨滅金石攷謂嵩山隱士高岑書

古井記 天寶九載十月

右古井記在費縣文云天寶九載冬十月尉趙光乘  
檢校造因勒銘云費城之井昭然道周土缶舊得石  
幹今修微大易之不改垂一善於千秋後有紹聖四  
年逢完題字史記孔子世家季桓子穿井得土缶若  
羊王肅家語云桓子穿井於費得物如土缶費城因  
有此井近年始訪得之

靈都觀劉尊師碑 天寶十一載二月

右靈都觀劉尊師碑在濟源縣碑前已殘泐末題檢  
校覆鐫字姪劉玄覺則知尊師姓劉碑稱奉玉真公

主敎請詣中岳興唐觀校定經錄又云至天寶六載  
玉真公主已捨館陶之封卜居平陽之洞遂於仙人  
臺下建立山居前靈都觀張尊師碑亦云清虛洞宮  
古老相傳曰仙人臺玉真公主於臺下構館皇帝題  
曰平陽洞府小有仙臺又於山門別置金榜爲靈都  
觀唐會要唯稱玉真公主入道京城置觀在輔興坊  
甯悌魏知古皆諫而不言靈都觀得此兩碑足補史  
家之闕

中岳永泰寺碑

天寶十一載閏三月

右中岳永泰寺碑在登封縣永泰寺碑稱寺創自後  
魏正光二載孝明帝之賢妹出俗爲尼勅置爲明練

寺後寺廢神龍二載嵩岳寺僧道瑩奏爲永泰公主  
於前件故伽藍置寺一所請以永泰爲名新店書諸  
公主傳永泰公主中宗第六女以郡主下嫁武延慕  
大足中忤張易之爲武后所殺帝追贈以禮改葬寺  
僧因有此請卽碑所謂二聖痛金娥之殞兆人興玉  
碎之悲金石萃編以永泰公主爲孝明之妹誤矣

千福寺多寶塔感應碑

天寶十一載四月

右千福寺多寶塔感應碑在西安府學宮長安志千  
福寺在安定坊東南隅本章懷太子宅咸亨四年捨  
宅立爲寺而不言有多寶佛塔蓋其亡久矣碑稱許  
王瓘新唐書高宗諸子傳許王素節載初中爲武承



嗣所誣追逮至龍門驛被縊中宗復位追故封又詔  
瓘嗣王實封戶四百開元初瓘爲衛尉卿以抑上金  
子不得封貶鄂州別駕此稱許王瓘尙是其未貶以  
前事

夫子廟堂記

天寶十一載四月

右夫子廟堂記在山西口縣前題駕部郎中程浩撰  
朝議郎判尙書武部員外郎琅邪顏真卿書朝散大  
夫檢校尙書都官郎中東海徐浩篆額末題天寶十  
一載歲次壬辰四月乙丑朔廿二日丙戌建唐會要  
天寶十一載二月二十八日改兵部曰武部駕部曰  
司駕程浩撰此記當在二月二十八日以前魯公書

又當在二十八日以後此記本刻在扶風縣文苑英華唐文粹載浩此記俱題作鳳翔府扶風縣文宣王新廟記後人愛魯公之書刪去扶風古縣也以下一段所在重刻其見於世者有湖州華州諸石文苑英華唐文粹記末題大歷二年某月記當是後人重刻年月編書者誤以爲撰碑年月連屬於下耳

夫子廟堂記殘碑

右夫子廟堂記殘碑在華州自覆載日月起至以親家國止僅存七十一字前有員外郎琅邪顏真卿書都官郎中徐浩字與山西本同或指爲扶風原石非也碑末有少華探花王氏家藏八字

雲門山投龍壁詩

天寶十一載十一月

右雲門山投龍壁詩在益都縣碑首殘泐山左金石志據全唐詩所載辜月上有有唐天寶玄默歲七字定爲天寶十一載所刻詩序爲北海郡太守趙居貞作居貞新唐書附見趙冬曦傳稱居貞擢進士第吳郡採訪使元和姓纂居貞比部員外郎皆不言爲北海太守亦闕文

依智口造像記

天寶十二載二月

右依智口造像記在益都縣雲門山又有一行題云故人依六妻宮清讓敬造無量壽像一軀姓氏急就篇國語黃帝十二子有依姓

玉真公主靈壇祥應記

天寶十二載五月

右玉真公主靈壇祥應記在濟源縣碑稱公主年十二歲當景雲之初始受口道於括蒼羅浮真人越國葉公舊唐書葉法善傳先天二年拜鴻臚卿封越國公不載羅浮真人之號新唐書玉真公主傳薨寶應時則公主當生於聖歷二年其薨時年六十四

贈武部尚書楊珣碑

天寶十二載八月

右贈武部尚書楊珣碑在扶風縣法門寺珣爲楊國忠父故此碑立宗御製御書肅宗爲皇太子奉勅題額金石錄云唐史宰相世系表楊珣爲友諒子今碑乃云志謙子疑史誤案表令本生友諒志謙志謙生

玄琰玄琰生女爲貴妃貴妃於國忠爲同曾祖兄弟  
若以珣爲志謙子則貴妃於國忠爲同祖兄弟矣疑  
當時國忠曰榮稱與貴妃同祖故以珣爲志謙子若  
承嗣者碑未必實史未必誤也舊唐書楊國忠傳則  
天朝幸臣張易之卽國忠之舅碑云珣夫人張氏希  
臧之次女希臧易之父亦與史合

王玄素造像記

右王玄素造像記在益都縣雲門山前題性千秋供  
養性哥悟供養古今姓氏書姓苑有性氏

柘城令李仲華德政碑

天寶十三載五月

右柘城令李仲華德政碑在柘城縣碑稱仲華太翁

雲將皇給事中常州刺史與房玄齡等十八學士曳  
裾秦邸王父玄道皇尚書右丞隴州刺史昭考絳皇  
職方郎中滑州刺史碑叙太翁於王父之前是以太  
翁爲曾祖也舊唐書十八學士見褚亮傳有李玄道  
而無李雲將李玄道亦附褚亮傳後稱玄道爲常州  
刺史貞觀三年表請致仕子雲將知名官至尚書左  
丞新唐書宰相世系表玄道子雲將雲將子絳是玄  
道爲仲華曾祖雲將爲仲華之祖碑誤乙

東方朔畫贊

天寶十三載十二月

右東方朔畫贊在陵縣署中陵縣舊德州治碑云魏  
建安中分厭次爲樂陵郡樂陵置郡後漢書獻帝紀

三國志武帝紀續漢書郡國志皆不載唯三國志費  
詩傳王冲懼罪降魏魏以爲樂陵太守是樂陵置郡  
之證集古錄云贊在文選中今較選本二字不同選  
本曰棄俗登仙而此云棄世選本曰神交造化而此  
云神友以今選本校之遊方之外者也選本也作已  
忽恍不可備論選本忽作惚處儉因憂選本儉作淪  
又作倫此又歐陽氏所未及見也

少林寺神王師子記

天寶十四載八月

右少林寺神王師子記在登封縣少林寺僧義昇前  
後兩狀末皆云謹詣光政門奉狀以聞唐六典東都  
皇宮在皇城之北南面三門中曰應天左曰興教右

日光政前勅久視元年九月十三日後勅久視元年九月廿九日舊唐書武后本紀是年七月至自三陽據此碑九月尚在東都史不書者闕文也

游擊將軍張希古墓誌銘

天寶十五載四月

右游擊將軍張希古墓誌銘在吳縣畢秋帆尙書家結銜稱守左衛馬邑郡尙德府折衝都尉新唐書地理志朔州馬邑郡不載尙德府王方翼傳方翼坐事下遷朔州尙德府果毅可與此碑相證



平津讀碑記卷六終